

戎政典第六十八卷

校閱部彙考二

周二

宣王八年講武于東都

按詩經我車既攻我馬既同四牡龐龐駕言徂東賦也田車既好四牡孔阜

東有甫草駕言行狩

賦也

宣王復文武之境土修車馬備器械復會諸侯於東都因田獵而選車

徒焉故詩人作此以美之

按詩說車攻宣王大閱于東都諸侯畢會史籍美之賦也

按通鑑前編宣王八年巡狩東都朝

會諸侯因以畋獵講武

呂氏曰車攻吉日所以爲復古者何蓋蒐狩之禮可以見王賦之復焉可

以見軍實之盛焉可以見師律之嚴焉可以見上下之情焉可以見綜理之周焉欲明文武之功

業者此亦足以觀矣

桓王十二年魯桓公狩于郎

桓王十二年癸酉魯桓公四年

按春秋桓公四年春正月公狩于郎

注冬獵曰狩

行三驅之禮得田狩之時故傳曰書時禮也周之春夏之冬也田狩從夏時郎非國內之狩地故

書地

按左傳四年春正月公狩于郎書時禮也

注郎非狩地故書時合禮

桓王十四年魯桓公大閱

桓王十四年乙亥魯桓公六年

按春秋桓公六年秋八月壬午大閱

注齊爲大國以

戎事徵諸侯之戍嘉美鄭忽而忽欲以有功爲班怒而訴齊魯人懼之故以非時簡車馬

疏正義

曰公狩於郎公狩於禚皆書公大蒐大閱不書公者周禮雖四時教戰而遂以田獵但蒐闋車馬

未必皆因田獵田獵從禽未必皆闋車馬何則怠慢之主外作禽荒豈待教戰方始獵也公及齊

人狩於禚乃與鄰國共獵必非自教民戰以矢魚於棠非教戰之事主爲游戲而斥言公則狩於

郎禚亦主爲游戲故特書公也大蒐大閱國家之常禮公身雖在非爲游戲如此之類例不書公

定十四年大蒐於比蒲邾子來會公公身在蒐而經不書公知其法所不書以其國家大事非公

私欲故也且比蒲昌閒皆舉蒐地此不言地者蓋在國簡閱未必田獵昭十八年鄭人簡兵大蒐

在於城內此亦當在城內

按左傳秋大閱簡車馬也

莊王十一年魯莊公師次于郎治兵

莊王十一年乙未魯莊公八年

按春秋莊公八年春王正月師次于郎以俟

陳人蔡人甲午治兵

注

治兵於廟習號令將以圍郕

疏

正義曰周禮中春教振旅中秋教治兵穀

梁傳曰出曰治兵習戰也入曰振旅習戰也公羊傳曰出曰祠兵入曰振旅其禮一也皆習戰也釋天云出爲治兵尙威武也入爲振旅反尊卑也孫炎云出則幼賤在前貴勇力也入則尊老在前復常法也彼言治兵振旅皆謂因田獵而選車徒教戰法習號令知此治兵亦是習號令此治兵於廟欲就尊嚴之處使之畏威用命耳但軍旅之衆非廟內所容止應告於宗廟出在門巷習之昭十八年傳稱鄭人簡兵大蒐將爲蒐除杜云治兵於廟城內地迫故除廣之是告於廟習於巷也下有圍郕知治兵爲圍郕也沈云周禮中秋治兵月令孟春令云是月也不可以稱兵所以甲午治兵者以爲圍郕故非時治兵猶如備難而城雖非時不譏沈又云治兵之禮必須告廟告廟雖是內事治兵乃是外事故雖告廟仍用甲午且治兵則征伐之類又爲圍郕雖在郊內亦用剛日甲午治兵公羊以爲祠兵謂殺牲饗士卒

僖王元年齊桓公作內政寄軍令春以獫狫振旅秋以獮治兵

僖王元年庚子齊桓公五年

按國語管仲作內政

而寄軍令三軍故有中軍之鼓有國子之鼓有高子之鼓春以獫狁旅秋以獫狁治兵是故卒伍整于里軍旅整于郊

襄王十九年秋楚使子文治兵于睢冬晉蒐于被廬襄王十九年戊子魯僖公二十七年按春秋左傳僖公二十七

年楚子將圍宋使子文治兵于睢注子文時不爲令尹故云使治兵習號令也睢楚邑

終朝而畢不戮一人注終朝自旦及食時也子文欲委重于子玉故略其事

子玉復治兵于薳注子玉爲令尹故薳楚邑

終日而畢鞭七人貫三人耳國老皆賀子文子文飲之酒注賀子玉堪其事

薳賈尙幼後至不賀子文問之對曰不知所賀子之傳政于子玉曰以靖國也靖諸內而敗諸外所

獲幾何子玉之敗子之舉也舉以敗國將何賀焉子玉剛而無禮不可以治民過三百乘其不能以

入矣苟入而賀何後之有注言子玉力小任重將不能以入其衆而治之也苟子玉能入其衆而

舉賀典未爲後時而失禮言不勝其任不足賀

冬楚子及諸侯圍宋宋公孫固如晉告急先軫曰報施救患取威定霸於是乎在矣狐偃曰楚始得

曹而新昏於衛若伐曹衛楚必救之則齊宋免矣於是乎蒐於被廬

注晉嘗以春蒐禮改政令敬

其始也被廬晉地

作三軍謀元帥

注中軍帥

晉侯始入而教其民二年欲用之子犯曰民未知義未安其居於是乎出定襄王入務利民民懷生矣將用之子犯曰民未知信未宣其用於是乎伐原以示之信民易資者不求豐焉明徵其辭公曰可矣乎子犯曰民未知禮未生其共於是乎大蒐以示之禮作執秩以正其官

注蒐順少長明貴

賤執秩主爵秩之官

民聽不惑而後用之出穀戍釋宋圍一戰而霸文之教也

景王十七年楚子使然丹簡上國之兵屈罷簡東國之兵

景王十七年癸酉
魯昭公十四年

按春秋左傳昭公十

四年夏楚子使然丹簡上國之兵于宗丘且撫其民

注上國在國都之西西方居上流故謂之上

國宗丘楚地

分貧振窮長孤幼養老疾收介特

注介特單身民收聚不使流散

救災患有孤寡救罪戾詰姦慝舉淹滯禮新叙舊祿勳合親任良物官

注物事也疏

正義曰周禮

司兵掌五兵鄭衆云五兵者戈殳戟酋矛夷矛鄭元云步卒之五兵則無夷矛而有弓矢然則兵者戰器之名戰必令人執兵因卽名人爲兵也此簡上國之兵謂簡料人丁之強弱於宗丘之地集而簡之

使屈罷簡東國之兵于召陵亦如之

注

兵在國都之東者

好于邊疆息民五年而後用師禮也

景王二十一年鄭子產簡兵大蒐

景王二十一年丁丑魯昭公十八年

按春秋左傳昭公十八年七月鄭子產爲火

故大爲社祓禳于四方振除火災禮也乃簡兵大蒐將爲蒐除

疏

治兵於廟城內地迫故除廣之

子太叔之廟在道南其寢在道北其庭小過期二日

注

庭蒐場也庭小不得一時畢

疏

此量其庭

之大小而預計之以庭小之故當過期二日欲除道使闕望及期得了亦不知本期當幾日也

使除徒陳于道南廟北曰子產過女而命速除乃毀于而鄉

注

而女也毀女所鄉

子產朝過而怒之

注

怒不毀

除者南毀子產及衝使從者止之曰毀于北方

注言子產仁不忍毀人廟

火之作也子產授兵登陴子太叔曰晉無乃討乎

注辭晉公子公孫而授兵似若叛晉

子產曰吾聞之小國忘守則危況有災乎國之不可小有備故也既晉之邊吏讓鄭曰鄭國有災晉君大夫不敢寧居卜筮走望不愛牲玉鄭之有災寡君之憂也今執事憫然授兵登陴將以誰罪邊人恐懼不敢不告子產對曰若吾子之言敝邑之災君之憂也敝邑失政天降之災又懼讒慝之聞謀之以敗貪人薦爲敝邑不利以重君之憂

注薦重也疏

正義曰將以誰爲罪而欲授兵疑其畏

晉襲之欲禦晉擊之

幸而不亡猶可說也不幸而亡君雖憂之亦無及也鄭有他竟望走在晉

注言鄭雖與他國爲竟

每瞻望晉歸赴之

既事晉矣其敢有二心

注傳言子產有備疏

五義曰國有火災懼被人襲登陴固守是有備也

敬王二十四年魯定公大蒐于比蒲

敬王二十四年乙巳魯定公十四年

按春秋定公十有四年秋大蒐于比蒲

漢

文帝十四年帝親勞軍勒兵申令 按漢書文帝本紀十四年冬匈奴寇邊殺北地都尉卬遣三將軍軍隴西北地上郡中尉周舍爲衛將軍郎中令張武爲車騎將軍軍渭北車千乘騎卒十萬人上親勞軍勒兵申教令賜吏卒自欲征匈奴羣臣諫不聽皇太后固要上乃止

武帝元封元年帝巡朔方釋兵涼如 按漢書武帝本紀元封元年冬十月詔曰南越東甌咸伏其辜西蠻北裔頗未輯睦朕將巡邊陲擇兵振旅躬秉武節置十二部將軍親帥師焉行自雲陽北歷上郡西河五原出長城北登單于臺至朔方臨北河勒兵十八萬騎旌旗徑千餘里威震匈奴遣使者告單于曰南越王頭已縣於漢北闕矣單于能戰天子自將待邊不能亟來臣服何但亡匿幕北寒苦之地爲匈奴讐焉還祠黃帝於橋山迺歸甘泉 按郊祀志冬上議曰古者先振兵釋旅然後封禪遂北巡朔方勒兵十餘萬騎還祭黃帝冢橋山釋兵涼如 注李奇曰涼如地名也

按通鑑武帝元封元年冬十月帝出長城登單于臺勒兵而還

太初二年令天下媿五日 按漢書武帝本紀太初二年三月行幸河東祠后土令天下大酺五日

媿五日祠門戶比臘

按文獻通考武帝太初二年令天下媿五日

注如淳曰立秋軀媿伏儼

曰腰音劉劉殺也師古曰續漢書作劉劉劉義各通耳漢儀注云立秋之日斬牲于郊東門外以薦陵廟武官肄兵習戰陣之儀

後漢

世祖建武六年罷郡國都試之法

按後漢書世祖本紀建武六年初罷郡國都尉官

注劉攽曰

案郡有都尉國有中尉此時罷郡都尉官耳不當有國字

按山堂考索漢光武見翟義反隗囂叛皆以秋試勒軍騎誅守長以起事也是以建武六年罷郡國都尉無都試之法唯京師肄兵如故

順帝永建元年令屯邊兵教習戰射

按後漢書順帝本紀永建元年夏五月嚴勅障塞繕設屯備

立秋之後簡習戎馬冬十月庚寅遣黎陽營兵出屯中山北界告幽州刺史其令緣邊增置步兵列屯塞下調五營弩師郡舉五人令教習戰射

注調選也五營五校也謂長水步兵射聲胡騎車騎

五校尉也

靈帝中平五年冬十月帝自稱無上將軍耀兵於平樂觀

按後漢書靈帝本紀云云

按何進傳

五年天下滋亂望氣者以爲京師當有大兵兩宮流血大將軍司馬許涼假司馬伍宏說進曰太公六韜有天子將兵事可以威厭四方進以爲然入言之於帝於是乃詔進大發四方兵講武於平樂觀下起大壇上建十二重五采華蓋高十丈壇東北爲小壇復建九重華蓋高九丈列步兵騎士數萬人結營爲陳天子親出臨軍駐大華蓋下進駐小華蓋下禮畢帝躬擐甲介馬稱無上將軍行陳三匝而還詔使進悉領兵屯於觀下是時置西園八校尉以小黃門蹇碩爲上軍校尉虎賁中郎將袁紹爲中軍校尉屯騎都尉鮑鴻爲下軍校尉議郎曹操爲典軍校尉趙融爲助軍校尉淳于瓊爲佐軍校尉又有左右校尉帝以蹇碩壯健而有武略特親任之以爲元帥督司隸校尉以下雖大將軍亦領屬焉

獻帝建安十三年作元武池肄舟師 按後漢書獻帝本紀不載 按魏志武帝本紀建安十三年春正月公還鄴作元武池以肄舟師

建安十四年作輕舟治水軍 按後漢書獻帝本紀不載 按魏志武帝本紀建安十四年春三月

軍至譙作輕舟治水軍

建安二十一年冬閏兵魏王曹操親執金鼓以令進退 按後漢書獻帝本紀不載 按晉書禮志
漢儀立秋之日自郊禮畢始揚威武斬牲於東門以薦陵廟其儀乘輿御戎路白馬朱鬣羽執努射
生牲以爲薦麋太宰命謁者各一人載以獲車馳送陵廟還宮遣使者齎束帛以賜武官武官肄兵
習戰陣之儀斬牲之禮名曰驅劉兵官皆肄孫吳兵法六十四陣既還公卿已下陳雒陽前街乘輿
到公卿已下拜天子下車公卿親識顏色然後還宮古語曰在軍下車則惟此時施行漢世率以爲
常至獻帝建安二十一年魏國有司奏古四時講武皆于農隙漢西京承秦制三時不講惟十月都
講今金革未偃士衆素習可無四時講武但以立秋擇吉日大朝車騎號曰闔兵上合禮名下承漢
制奏可是冬闔兵魏王親執金鼓以令進退

延康元年六月魏文帝爲魏王闔兵于東郊 按後漢書獻帝本紀不載 按魏志文帝本紀延康
元年六月辛亥治兵于東郊 按晉書禮志延康元年魏文帝爲魏王是年六月立秋闔兵于東郊
公卿相儀王御華蓋親令金鼓之節

後主建興十年諸葛亮教兵講武 按三國蜀志後主建興十年亮休士勸農于黃沙作流馬木牛

畢教兵講武

魏

文帝黃初六年幸廣陵觀兵

按三國魏志文帝本紀黃初六年十月行幸廣陵故城臨江觀兵是

歲大寒水道冰舟不得入乃引還

明帝太和元年冬十月丙寅治兵於東郊

按三國魏志明帝本紀云云

晉

武帝泰始元年臨宣武觀大閱

按晉書武帝本紀不載

按冊府元龜泰始元年十一月丁酉臨

宣武觀大閱諸軍甲辰乃罷

泰始十年臨宣武觀大閱

按晉書武帝本紀十年冬十月庚午帝臨宣武觀大閱諸軍

咸寧元年大閱於宣武觀

按晉書武帝本紀咸寧元年十一月癸亥大閱於宣武觀至於己巳

咸寧三年臨宣武觀大閱

按晉書武帝本紀咸寧三年十一月丙戌帝臨宣武觀大閱至於壬辰

太康四年大閱

按晉書武帝本紀太康四年十二月庚午大閱於宣武觀

太康六年大閱于宣武觀 按晉書武帝本紀太康六年十二月甲申大閱於宣武觀旬日而罷
按禮志武帝泰始四年九月咸寧元年太康四年六年冬皆自臨宣武觀大閱衆軍然不自令進退
也自惠帝以後其禮遂廢

元帝太興四年詔左右衛諸營教習 按晉書元帝本紀不載 按禮志元帝太興四年詔左右衛
及諸營教習依大習儀作鴈羽仗

成帝咸和元年大閱于南郊 按晉書成帝本紀咸和元年十一月壬子大閱於南郊 按禮志成
帝咸和中詔內外諸軍戲兵於南郊之場故其地名闕場自後藩鎮桓庾諸方伯往往閱習然朝
廷無事焉

宋

文帝元嘉二十年閱武白下 按宋書文帝本紀元嘉二十年二月甲寅車駕於白下閱武

元嘉二十五年宣武場大蒐講武 按宋書文帝本紀元嘉二十五年春二月庚寅詔曰安不忘虞
經世之所同治兵教戰有國之恆典故服訓明恥然後少長知禁頃戎政雖修而號令未審今宣武

場始成便可剋日大習衆軍當因校獵肄武講事閏月己酉大蒐於宣武場三月庚辰車駕校獵

按禮志太祖在位依故事肄習衆軍兼用漢魏之禮其後以時講武於宣武堂元嘉二十五年閏二

月大蒐於宣武場主胄奉詔列奏申攝剋日校獵百官備辦設行宮殿便坐武帳於幕府山南岡設

王公百官便坐幔省如常儀設南北左右四行旌門建獲旗以表獲車殿中郎一人典獲車主者二

人收禽吏二十四人配獲車備獲車十二兩校獵之官著袴褶有帶武冠者脫冠者上纓二品以上

攤刀備槊麾幡三品以下帶刀皆騎乘將領部曲先獵一日遣屯布圍領軍將軍一人督右甄護軍

一人督左甄大司馬一人居中董正諸軍悉受節度殿中郎率護軍部曲在司馬之後尙書僕射都

官尙書五兵尙書左右丞都官諸曹郎都令史都官諸曹令史幹闌臺治書侍御史令史諸曹令史

幹督攝糾司校獵非違至日會于宣武場列爲重圍設留守填街位于雲龍門外內官道南以西爲

上設從官位于雲龍門內大官階北小官階南以西爲上設先置官位于行止車門外內官道西外

官道東以北爲上設先置官還位于廣莫門外道之東西以南爲上校獵日平旦正直侍中嚴上水

一刻奏撻一鼓爲一嚴上水二刻奏撻二鼓爲再嚴殿中侍御史奏開東中華雲龍門引仗爲小駕

鹵簿百官非校獵之官著朱服集列廣莫門外應還省者還省留守填街後部從官就位前部從官依鹵簿先置官先行上水三刻奏撻三鼓爲三嚴上水四刻奏外辦正次直侍中散騎常侍給事黃門侍郎軍校劍履進夾上閣正直侍中負璽通事令史帶龜印中書之印上水五刻皇帝出著黑介幘單衣乘輦正直侍中負璽陪乘不帶劍殿中侍御史督攝黃麾以內次直侍中次直黃門侍郎護駕在前又次直侍中佩信璽行璽與正直黃門侍郎從護駕在後不鳴鼓角不得諠譁以次引出警蹕如常儀車駕出闕讚陞者再拜皇太子入守車駕將至威儀倡引先置前部從官就位再拜車駕至行殿回輦正直侍中跪奏降輦次直侍中稱制曰可正直侍中俛伏起皇帝降輦登御坐侍臣升殿直衛鉞戟虎賁毛頭文衣鴻尾以次列階正直侍中奏解嚴先置從駕百官還便坐幔省帝若躬親射禽變御戎服內外從官以及虎賁悉變服如校獵儀鉞戟抽鞘以備武衛黃麾內外從入圍裏列置部曲廣張甄圍旗鼓相望銜枚而進甄周圍會督甄令史奔騎號法施令春禽懷孕蒐而不射鳥獸之肉不登於俎不射皮革齒牙骨角毛羽不登於器不射甄會大司馬鳴鼓感圍衆軍鼓譟警角至武場止大司馬屯北旌門二甄帥屯左右旌門殿中中郎率護軍部曲入次北旌門內之右

帝從南旌門入射禽謁者以獲車收載還陳於獲旗北王公以下以次射禽各送詣獲旗下付收禽主者事畢大司馬鳴鼓解圍復屯殿中郎率其屬收禽以實獲車充庖廚列言統曹正廚置尊酒俎肉於中達以犒饗校獵衆軍至哺正直侍中量宜奏嚴從官還著朱服鍬戟復鞘再嚴先置官先還三嚴後二刻正直侍中奏外辦皇帝著黑介幘單衣正次直侍中散騎常侍給事黃門侍郎軍校進夾御坐正直侍中跪奏還宮次直侍郎稱制曰可正直侍中俛伏起乘輿登輦還衛從如常儀大司馬鳴鼓散屯以次就舍車駕將至威儀唱引留守填街先置前部從官就位再拜車駕至殿前回輦正直侍中跪奏降輦次直侍中稱制曰可正直侍中俛伏起乘輿降入正直次直侍中散騎常侍給事黃門侍郎散騎侍郎軍校從至閤亦如常儀正直侍中奏解嚴內外百官拜表問訊如常儀訖罷孝武帝孝建二年九月閤武 按宋書孝武帝本紀孝建二年九月丁亥車駕於軍武場閤武

大明五年二月閤武 按宋書孝武帝本紀大明五年二月癸巳車駕閤武詔曰昔人稱人道何先於兵爲首雖淹紀勿用忘之必危朕以聽覽餘閒因時講事坐作有儀進退無爽軍幢以下普量班